
КЎР КЎРНИ ҚОРОНҒИДА ТОПДИ

Д.Маллабоева хавфли рецидивист бўлган ҳолда 2020 йил февраль ойи ўртасида Ф.Абдуазимов ва Ж.Абдурахмонов билан жиноий тил бириктиради. Бир гуруҳ бўлиб, пуллик халқаро телефон сўзлашувларини амалга ошириш фаолиятига ўрнатилган ҳимоя тизимини четлаб ўтган ҳолда “Ucell”, “Beeline”, “UMS”, “Uzmobile” уяли алоқа компанияларига тегишли сим карталарни “шлюз” аппаратида ўрнатишади. Телекоммуникация тармоғидан қонунга ҳилоф равишда ўрнатиб, сақлаб, фаолият юритишга шароит яратишган.

Д.Маллабоева такроран, 2020 йил февраль ойи охирида, “Great-build” МЧЖ директори А.Иброҳимов, “Online communication system” хусусий корхонаси ва “Mobile” хусусий корхонаси ишчиси Ш.Муқумов “Online gold” хусусий корхонаси ишчиси М.Абдумуталибов, “Ozod diyor trans” хусусий корхонаси дилери Ж.Жамолов билан олдиндан тил бириктиришади. Бир гуруҳ бўлиб, фойдаланиш мақсадида муайян ҳуқуқ берадиган ҳужжатларни қалбакилаштиради. Қалбаки эканлигини била туриб, “Beeline”, “UMS” уяли алоқа компаниялари ва фуқаролар И.Тиллахўжаев, Г.Эрматова, Б.Қурбонов, З.Комилова, Ў.Алимова ўртасида тузилган шартномани сохталаштиришга эришади. Ундан фойдаланиб, “Beeline”, “UMS” уяли алоқа компанияларига тегишли бўлган сим карталарни олишади. Танишлари Ф.Абдуазимов ва Ж.Абдурахмонов томонидан халқаро телефон сўзлашувларини Ўзбекистон Республикасида бўлган абонентлар билан боғлашга хизмат қиладиган “шлюз” аппаратида ўрнатиб фойдаланиб келишган.

2020 йил 27 февраль куни ИЖҚК Департаментининг Фарғона вилояти бошқармаси ва ДХХ Фарғона вилоят бошқармаси ходимлари ўтказган тадбирда, Д.Маллабоевага тегишли Фарғона шаҳридаги хонадонидан бир дона “шлюз”, “HUAWEI Lite CPEB 593” аппарати, бир дона “роутер” аппарати, бир дона “HUP” аппарати, 24 дона “Beeline”, 6 дона “UMS”, 1 дона “Uzmobile” уяли алоқа компанияларига тегишли сим карталар, фойдаланилган симтола (кабел)лар ашёвий далил сифатида олинди.

Кўр-кўрни қоронғуда топди, деганларидек ноқонуний йўл билан бойлик орттирмоқчи бўлган бу гуруҳ аъзоларига суд ҳукми ўқилди.

О.ХОЛМАТОВ, Ёзёвон тумани прокурори катта ёрдамчиси. ЁЗЁВОН ТУМАНИ ҲОКИМЛИГИ АХБОРОТ ХИЗМАТИ

2020-08-03 17:21:54